

**ADDENDA AO CONVENIO DE COLABORACIÓN ENTRE A CONSELLERÍA DE EMPREGO, COMERCIO E EMIGRACIÓN E A SOCIEDADE DE SOCORROS MUTUOS E BENEFICENTE ROSALÍA DE CASTRO DE SANTOS PARA A ATENCIÓN DAS NECESIDADES SOCIO-ASISTENCIAIS E SANITARIAS BÁSICAS DA CIDADANÍA GALEGA RESIDENTE EN SANTOS, BRASIL**

Santiago de Compostela, 09 de outubro de 2025


**REUNIDOS**

Por una banda, José González Vázquez, conselleiro de Emprego, Comercio e Emigración, (en virtude do nomeamento efectuado polo Decreto 44/2024, do 14 de abril), en nome e representación da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, de normas reguladoras da Xunta e da súa presidencia.

E pola outra, Casto Vieitez Fernández, presidente da Sociedade de Socorros Mutuos e Beneficente Rosalía de Castro de Santos, Brasil, segundo consta na acta de eleccións da entidade do 18 de marzo de 2025, actuando no seu nome e representación.

As partes comparecentes recoñécense mutuamente plena lexitimación, capacidade e representación, para a sinatura da presente addenda e, para estes efectos,

**EXPOÑEN**



**Primeiro.** A Consellería de Emprego, Comercio e Emigración é o departamento da Xunta de Galicia ao que lle corresponde, entre outras, a competencia das relacións e o apoio as persoas e ás comunidades galegas do exterior, así como o fomento e a promoción da súa actividade e funcionamento, tal e como se recolle no artigo 1.c) do Decreto 147/2024, do 20 de maio, polo que se establece a súa estrutura orgánica.

O seu artigo 49 establece que a Secretaría Xeral da Emigración é o órgano superior da Administración xeral da Comunidade Autónoma de Galicia, no ámbito da emigración e do retorno, ao que lle corresponden, entre outras, as competencias recollidas na Lei 7/2013, do 13 de xuño, da galegidade; en particular, son competencias desta secretaria xeral as relacións coas comunidades galegas no exterior, así como o fomento e a promoción da súa actividade e funcionamento.

**Segundo.** O 7 de abril de 2025, a Consellería de Emprego, Comercio e Emigración asinou un convenio de colaboración coa Sociedade de Socorros Mutuos e Beneficente Rosalía de Castro de Santos (Brasil).



Na cláusula primeira do convenio sinálase que o seu obxecto é establecer o marco da colaboración as entidades asinantes para a atención das necesidades socio-asistenciais e sanitarias básicas da cidadanía de orixe galega residente en Santos (Brasil) que por razóns de idade ou estado físico careza de autonomía persoal e/ou que se atope en situación de necesidade e non poida afrontar o custo das prestacións que precisa.

**Terceiro.** A Sociedade de Socorros Mutuos e Beneficente Rosalía de Castro de Santos (Brasil) é unha entidade sen ánimo de lucro á que están asociadas actualmente máis de cen persoas emigrantes de orixe galega, o que a converte na principal entidade galega en Santos, inscrita no Rexistro de Comunidades Galegas da Secretaría Xeral da Emigración na categoría de centro colaborador da galeguidade. Na actualidade esta entidade está a desenvolver un importante labor orientado de xeito altruísta a mellorar a asistencia social e a ampliar a asistencia médica en xeral de persoas maiores de orixe galega en situación de precariedade.

Nas súas instalacións, a entidade xestiona un ambulatorio médico, servizos de odontoloxía, oftalmoloxía, psicoloxía e, entre outro persoal especializado, dispón dunha traballadora social, ademais de desenvolver actividades sociais, de espaxemento, culturais e recreativas e proporcionar asistencia mutual e de saúde.

**Cuarto.** Na cláusula cuarta do convenio establécese unha achega económica por un importe de vinte mil euros (20.000 €) con cargo á aplicación orzamentaria 14.05.312C.481.0, código de proxecto 2015 00039, dos orzamentos xerais da Comunidade Autónoma de Galicia para o ano 2025.

Na cláusula terceira, obrigas das partes, a Sociedade de Socorros Mutuos e Beneficente Rosalía de Castro de Santos comprométese a prestar os servizos obxecto do convenio nos termos establecidos nel e informar periodicamente á Secretaría Xeral da Emigración dos resultados desta iniciativa.

Debido á situación social, política e económica pola que está a atravesar o país e sobre todo ao aumento do custo dos gastos de funcionamento e dos servizos médicos e sociais que presta a entidade, a Sociedade de Socorros Mutuos e Beneficente Rosalía de Castro ten graves dificultades co financiamento previsto inicialmente neste ano para prestación dos servizos recollidos no convenio, polo que, co fin de seguir prestando a atención necesaria ás persoas de orixe galega, é preciso incrementar o importe da achega en 10.000 €.

As partes, actuando no exercicio do seu cargo e representación,

#### ACORDAN

**Cláusula primeira:** incrementar en 10.000 € a achega da Consellería de Emprego, Comercio e Emigración prevista na cláusula cuarta, que queda redactada do seguinte xeito no primeiro paragrafo:



"Co obxecto de colaborar no financiamento das accións recollidas neste convenio, a Consellería de Emprego, Comercio e Emigración comprométese a achegar unha contía de trinta mil euros (30.000 €) con cargo á aplicación orzamentaria 14.05.312C.481.0, código de proxecto 2015 00039, dos orzamentos xerais da Comunidade Autónoma de Galicia para o ano 2025."

**Cláusula segunda:** Modificar o prazo de xustificación e o de vixencia recollidos na cláusula oitava parágrafo primeiro, que queda redactada do seguinte xeito:

"A data limite para presentar a documentación xustificativa será o 10 de decembro de 2025"

e na cláusula décimo sexta, que queda redactada do seguinte xeito no parágrafo primeiro:

"Este convenio entrará en vigor o día seguinte ao da súa sinatura e estenderá a súa vixencia ata o 31 de decembro de 2025, agás que sexa denunciado por algunha das partes por incumprimento dos acordos que nel se recollen".

En proba de conformidade con canto antecede, asinan dous exemplares, no lugar e data sinalados no encabezamento.



O conselleiro de Emprego, Comercio e

Emigración

José Gonzalez Vázquez



O presidente da Asociación de Socorros Mutuos e Beneficente Rosalía de Castro



Casto Vieitez Fernández